



Scientia Sanctorum

Collecta Ex Meditationibus Ludovici De Ponte, Joannis Busaei, Joan. Suffren, Juliani Hayneufve, Et Antonii Gaudier, &c. E Societate Jesu, In Dominicis, Festa & ferias totius Anni digesta. Cum Indicibus duobus. I. In singulos dies. II. Ad Exercitia Spiritualia

Puente, Luis de la

Dilingæ, 1685

21. Oratio Christi in horto.

[urn:nbn:de:hbz:466:1-60588](https://nbn-resolving.org/urn:nbn:de:hbz:466:1-60588)

esse singularem non tantum assumi ad speculandam gloriam in monte Thabor, sed etiam adhiberi ad communicationem passionum in monte Olivarum.

MEDITATIO XXI.

Oratio in horto. Matt. 26. 41.

PUNCTUM PRIMUM.

Luc. 22. 41. **I**N ea tanta tristitia ad orandum se Dominus convertit, relictis tribus illis Apostolis. *Tristitia* *Et ipse avulsus est ab eis, quantum jactus est lapidis.* 1. Jocemur hinc in desolationibus recurrendum ad Deum per orationem, non per inania colloquia dissipandum animum. *Tristia* *tempore orandū.* *Jac. 5. 23.* *Pf. 76. 3.* *tur aliquis in vobis, oret. Et in die tribulationis Deum exquisivi, renavit consolari anima mea, memor fui Dei & delectatus sum.* 2. Hortatur etiam Apostolos, ut idem faciant: *Vigilate mecum.* Divulsus ab illis orat, quia secretum amat oratio, & removenda sunt impedimenta, & solatia postponenda.

PUNCTUM II.

Luc. 22. 41. **O**Rat Patrem. 1. summâ reverentiâ & humilitate. *Positis genibus, procidit in faciem suam super terram.* 2. fiduciali amore: *Pater mi.* 3. Resignatione plena, non obstante inmensâ tristitiâ: *Non sicut ego volo, sed sicut tu.* 4. Pro-

4. Prolixè, ad horam continuavit, ut colligi potest ex illo : *Non potuistis unâ horâ vigilare mecum ?* Summa orationis fuit brevis, & variis affectibus producta. 5. Oravit : *si possibile est, transeat à me calix iste*, avertatur à me : potest & ita, ut citò expediatur, sit passionis tempus breve ; sed non ad literam.

PUNCTUM III.

Visitavit discipulos, reperitque dormientes: Corripit ita sollicitus erat de illis, ut interrumpere discipulationem suam. Corripit dormientes, sed in^{los.} spiritu lenitatis. *Sic, non potuistis unâ horâ vigilare mecum ?* præcavet deinceps, monens: *Vigilate & orate, ut non intretis in tentationem*; quæ videlicet imminebat ex comprehensione Magistri : *Spiritus quidem promptus est, caro autem infirma*, quæ proinde per orationem juvari debeat: vel est accusantis discipulos, quòd voluntatem promptam habeant, sed fragilitate carnis vincantur.

Hanc socordiam in tanto periculo dormientium imitor ego incurius salutis, & profectus mei. Urgente tristitiâ, imperfecti contrahunt tædium, & soporem : perfecti autem inde urgentur ad instantiùs orandum, ut Christus facit.

PUNCTUM IV.

Primò orat: *Pater mi! omnia tibi possibilia Marc. sunt, transfer calicem hunc à me, sed non* 14. 39.

E 4

quod

Ostendit *quod ego volo, sed quod tu.* Transferri seu trans-
 magnū ire calicem à te in homines cupit, hoc est, fru-
 amoris tum passionis : quòd si illum participare ne-
 affectum queant, nisi Christus ipse bibat illum, & passio-
 nem subeat, fiat voluntas Dei : quasi petat salu-
 tem conferri hominibus, absque passione sua : si
 autem fieri secùs non valet, paratum se offert
 ad exhauriendum.

PUNCTUM V.

Marc.
14. 40

Christi
desola-
tio.

Secundò visitat discipulos, & invenit, ut priùs,
 dormientes : nam oculi eorum erant gravati
 præ tristitia, & ignorabant, quid responderent ei.
 Sciebat illos dormire, visitat tamen, curam ex-
 hibens circa illos. Undique bonus Jesus solatio
 destituitur, in tempesta nocte, in loco solitario,
 consopitis discipulis, nec à Patre exauditus est
 post longam repetitam orationem, nec ideo
 frangitur, aut queritur, sed urgetur ad impen-
 sius prolixiusque jam tertio orandum. Et ego
 velim statim exaudiri ? nequaquam, nisi perse-
 veravero pulsans.

Cur Pa-
ter dif-
fert re-
spon-
sum.

Sed cur tam diu differt Pater responsum ? ut
 necessitas passionis ejus magis commendaretur,
 & Dei erga nos charitas, quandoquidem tam
 instanti diuturnaque obsecratione Filij non est
 flexus Pater æternus, ut ipsi condonaret cali-
 cem, aut remitteret : nisi enim summa esset pas-
 sionis, mortisque Christi necessitas non se per-
 mitteret tam diu rogari : nisi hominem infi-
 nitè

nitè amaret, non abnueret, etiam cum dispendio hominis quàm primùm Filio gratificari.

MEDITATIO XXII.

Confortatio & sudor sanguineus.

PUNCTUM PRIMUM.

Tertium oranti apparuit Angelus de celo *Luc. 22.*
confortans eum: haud dubiè missus à Deo 43.
Patre, & fuisse Gabrielem credibile est, qui ad
obsequium humanitatis Christi peculiariter fu-
it destinatus. Sic Deus perseveranti in oratione
impertit in tempore solatium, & auxilium.

Ab An-
gelo
confor-
tatur.

Confortavit Christum, proponendo necessitatem passionis ejus, & gloriam inde Patris secuturam, & ipsius Christi, similisque rationes. Quas licet ipse Dominus perspectas haberet, submissè tamen ex Angelo accepit, inde se ipsum animans, & confortans pro conditione humana. Discam non dedignari ab inferiori dirigi, & solatium admittere, quando etiam nihil novi, aut ignoti profertur: fit enim, ut illuminemur magis à Deo, propter humilitatis obsequium.

PUNCTUM II.

OB dicta Angeli, factus in agonia prolixius *Luc. 22.*
orabat. Agonia fuit conflictus internus, 43.
dum ex una parte timorem & tristitiam vehementem efficerent *versantes cogitationi cru-*

E s cia-